

13 JUL 1998

AGONG UTUS UCAPAN TAHNIAH KEPADA PRESIDEN CHIRAC

KUALA LUMPUR, 13 Julai (Bernama) -- Yang di-Pertuan Agong Tuanku Ja'afar dan Raja Permaisuri Agong Tuanku Najihah mengutuskan perutusan tahniah kepada Presiden Perancis, Jacques Chirac, sempena sambutan Hari Kebangsaan negara itu hari ini.

Menurut kenyataan yang dikeluarkan Wisma Putra di sini, Seri Paduka berdua juga berharap Presiden Chirac akan terus menikmati kesihatan yang baik dan kemakmuran.

Perdana Menteri Datuk Seri Dr Mahathir Mohamad dalam perutusan serupa kepada rakan sejawatannya Lionel Jospin berkata beliau gembira melihat hubungan kerjasama yang semakin berkembang antara Malaysia dan Perancis.

"Hubungan rapat ini semakin meningkat berikutan kerjasama yang baik pada peringkat sektor awam dan swasta. Saya berharap hubungan rapat dan mesra antara Malaysia dan Perancis akan dapat diperkukuhkan lagi," kata beliau.

Dr Mahathir juga berharap kerajaan dan rakyat Perancis akan terus menikmati kemanan, kemajuan dan kemakmuran.

Menteri Luar Datuk Abdullah Ahmad Badawi dalam perutusan serupa kepada rakan sejawatannya Hubert Vedrine berkata hubungan dan kerjasama yang cemerlang antara kedua-dua negara terus menunjukkan dinamisme.

-- BERNAMA

MNY NAK